

756

681

政和五禮新儀

漢書五經新傳

欽定四庫全書

政和五禮新儀卷一

序例

辨祀

昊天上帝上帝

祈穀雩祀明堂

感生帝五方帝高禩皇地祇神

州地祇太社太稷朝日夕月熒惑九宮貴神太一宮陽

德觀帝鼎太廟別廟東蜡西蜡坊州朝獻聖祖應天府

祀大火右爲大祀

嶽鎮海瀆先農先蠶風師雨師雷神南蜡北蜡文宣王
武成王歷代帝王寶鼎牡鼎蒼鼎罍鼎彤鼎阜鼎晶鼎
魁鼎會應廟慶成軍祭后土右爲中祀

司中司命司民司祿司寒靈星壽星馬祖先牧馬社馬

步七祀

司命戶竈中
雷門厲行

山林川澤之屬州縣祭社稷祀風

師雨師雷神右爲小祀

凡祭祀之禮天神曰祀地祇曰祭宗廟人鬼曰享至聖
文宣王昭烈武成王曰釋奠

時日

凡祀有常日者立春日祀青帝祀東太一宮祭東方嶽
鎮海瀆牡鼎祀司命戶立春後丑日祀風師孟春上辛
日祈穀祀上帝祀感生帝孟春朝獻景靈宮

九日孟春
十日

吉亥日享先農元日釋菜文宣王仲春上丁日釋奠文
宣王上戊日祭太社太稷釋奠武成王春分朝日祀高
禘祭蒼鼎開冰享司寒季春吉巳日享先蠶立夏日祀
赤帝熒惑祀中太一宮祀陽德觀祭南方嶽鎮海瀆

鼎祀竈立夏後申日祀雨師雷神夏至祭皇地祇彤
鼎季夏土王日祀黃帝祀中太一宮帝鴈祭中嶽中鎮
祀中雷立秋日祀白帝祀西太一宮祭西方嶽鎮海瀆
阜鼎祀門厲立秋後辰日祭靈星孟秋朝獻景靈宮十五

日十六日
十七日

仲秋上丁日釋奠文宣王上戊日祭太社太

稷釋奠武成王上戊日祭祀壽星祭晶鼎立冬日祀黑

帝祀中太一宮祭北方嶽鎮海瀆魁鼎祀行立冬後亥

日祀司中司命司民司祿孟冬朝獻景靈宮

十五日十
六日十七

日冬至祀昊天上帝祭寶鼎臘前一日祭太社太稷
蜡百神臘日享太廟別廟朔日祭太廟別廟

凡祀無常日孟夏雩祀上帝朝獻景靈宮季秋大享明

堂祀上帝立冬後祭神州地祇四孟月享太廟別廟孟

冬祫享太廟

三年一祫

仲春仲秋祀九宮貴神

冬祀大禮年遣官行事以

親祀

太常卿薦獻諸陵祀會應廟坊州朝獻聖祖慶成

軍祭后土諸州享歷代帝王仲春祀馬祖仲夏祀享先

牧仲秋祀馬社仲冬祭馬步藏冰享司寒季春季秋應

天府祀大火

凡祀無常日者並擇日太廟別廟薦新藏冰享司寒不擇日每歲元日冬至寒食各三日上元并前後各一日中元前一日立春日二月二日春秋二社上巳重午初伏七夕仲秋望日重陽下元臘朔望各一日並進獻諸陵

壇壝

燎壇瘞坎附

昊天上帝圓壇四成下成縱廣二十丈再成十五丈三

成十丈四成五丈高八尺一寸為十有二陛每成十有二級三壝每壝二十五步周垣四門

皇地祇方丘五成每成高四尺上廣十六步設四陛上成陛廣八尺中成陛廣一丈下成陛廣一丈二尺三壝每壝二十五步

雩祀上帝壇高一丈廣四丈周十二丈四出陛三壝每壝二十五步

感生帝朝日熒惑壇廣四丈高七尺

朝日壇高八尺感生帝壇飾依方色

四出陞兩壝每壝二十五步

五方帝壇廣四丈

青帝壇高八尺赤帝壇高七尺黃帝壇高五尺白帝壇高九尺黑帝壇高六尺

壇飾依方色

四出陞兩壝每壝二十五步

夕月坎深三尺廣四丈壇高一丈廣二丈四方各為陞入坎中然後升壇兩壝每壝二十五步

高禘壇廣四丈高八尺四出廣陞五尺兩壝每壝二十

五步

以青石為主長三尺八寸本生成之數形准廟社植壇上稍北露首三寸

九宮貴神壇三成一成縱廣十四丈再成縱廣十二丈

三成縱廣十丈各高三尺其上依方位置小壇九各高一尺五寸縱廣八尺四陛又西南為一陛曰坤道兩壝每壝二十五步

太社壇廣五丈高四尺四出陛五色土為之太稷壇在

西如社壇之制

社以石為主其形如鍾長五尺方二尺剡其上培其下半

神州地祇壇廣四十八步高五尺四出陛兩壝每壝二十五步

四方蜡壇廣四丈高八尺四出陛兩壝每壝二十五步

五方嶽鎮海瀆壇各高五尺周四十步四出陛兩壝每

壝二十五步

壇飾依五色

風師雨師雷神壇各高三尺四出陛並一壝二十五步

風師壇廣二十三步雨師雷神壇廣十五步

司中司命司民司祿壇各廣二十五步高三尺四出陛

同一壝二十五步

先農壇高五尺周四十步四出陛兩壝每壝二十五步

先蠶壇方二丈高五尺四出陛一壝二十五步

靈星壇高三尺周八步四尺四出陞一壝二十五步

壽星壇高三尺東西長一丈三尺南北長一丈二尺四出陞一壝二十五步

馬祖先牧馬社馬步壇各廣九步高三尺四出陞一壝二十五步

燎壇之制昊天上帝上帝感生帝五方帝朝日夕月高禘禘感九宮貴神東蜡西蜡各方一丈高一丈二尺開

上南出户方六尺並在壇南二十步丙地

明堂在端誠
殿庭東南

南蜡北蜡各方五尺高五尺開上南出户方二尺

風師雨師雷神各方八尺高一丈開上南出户三尺餘
皆方五尺高五尺開上南出户二尺並在壇南二十步
丙地

瘞坎之制皆在內壝之外壬地南出陞方深取足容物
州縣社壇方二丈高三尺四出陞稷壇如社壇之制

社以

石為主其形如鍾長二尺五寸方一尺刻其上培其下半四門同一壝二十五步

壇飾

各隨方色上
燹以黃金

風師雨師雷神壇皆卑小於社四出陞四門皆一壝二十五步雨師雷神壇外一壝燎壇於神壇之左壝之外稍高於神壇瘞坎於壇之北壬地南出陞方深取足容物

政和五禮新儀卷一

欽定四庫全書

政和五禮新儀卷二

序例

神位上

冬日至祀昊天上帝設位於壇上北方南向以太祖皇

帝配其位東方西向

凡設神主位皆南向配位皆西向

天皇大帝五方

帝大明夜明北極九位在第一龕北斗天一太一帝座

五帝內座五星十二辰河漢內官等神位五十四座在